

Ammasumik ataatsimiinnermi oqaluuserisassat:

Imm. 1.1 Oqaluuserisassat akuersissutigineri

Aningaasaqarnermut tunngasut:

Imm 3.1 -

Suliassat nalinginnaasut

Imm. 4.1 Atuarfimmumut ornigutinngikkaluarluni alimasissumik atuartinneqarnissamut toqqaanissamut periarfissaq

Imm. 4.2 Ukioq atuarfiusumut 2026/2027-mut meeqqat atuarfiinut atuannigiffissatut pilersaarutissatut siunnersuut

Imm. 4.3 Tapiisarnermi malittarisassanik nutarsaaneq – Timersornermut, kulturimut peqatigiiffilerinermullu tapiissuteqarnermut malittarisassat

Paasissutissiissutit:

Imm.6.1 Qeqqata Kommuniiani februarip 2026 naanerani suliffissaaleqineq pillugu paasissutissiissut

Imm. 6.2 Avataanit tikisitsilluni sulisussarsiornermik, Februar 2026-imi qinnuteqaatinut tunngatillugu, ataatsimiititaliap siulittaasuanit aalajangiiffigineqartut pillugugit paasissutissiissut

Imm. 6.3 Ilinniartitaanermut ataatsimiititaliamut pisinnaatitsineramik agguataarinermut pingaarnertut pilersaarut pillugu paasissutissiissut

Tamalaat:

Imm. 7.1 Tamalaat

Ataatsimiinneq allarteqqippoq nal. 13:00

Peqataasut:

Siumut

Evelyn Mølgaard

Siumut

Sika Zeeb-Olsen

Inuit Ataqatigiit

Juliane Enoksen

Demokraatit

Erne Olsen

Naleraq

Steffen Johansen

Nalunaaruteqarlutik peqataannngitsut:

Nalunaaruteqaratik peqataannngitsut:

Imm. 1.1 Oqaluuserisassat akuerineri

Aalajangiineq:

Ataatsimiissutissat akuerineqarput.

Imm. 4.1 Atuarfimmu ornigutinnikkaluarluni alimasissumit atuartinneqarnissamut toqqaanissamut periarfissaq.

Journal nr. 51.08.01

Tunuliaqutaq

Ataatsimiititaliap immikkoortumik ”Alimasissumik atuartitseriaatsimut nuna tamakkerlugu iliuusissat pilersaarummut missingiut´ pillugu tusarniaassumut akissuteqaatip ilisimatitsissutigineqarnera 8. december 2025-mi ilinniartitaanermut ataatsimiititaliap ataatsimiinnermini suliarineranut nangillugu, ilinniartitaanermut ataatsimiititaliami ilaasortaq Juliane Enoksen tulluuttutigut kissaateqarpoq:

Illoqarfitsinni alimasissumik atuartinneqarnissamut periarfissaqarneranik misissuinissamut matumuuna siunnersuuteqarpunga. Illoqarfitsinni meeqqat atuarumajunnaartut amerliartuinnarput. Taanna akuersaarnissaanut alimasissumik atuartinneqarnissaminnik pisariaqartitsipput, taamaaliornikkut atuagarsornikkut kinguussaassanngillat. Teknikkikkut aaqqiissutinik pisariillisaataasunik peqarnerput atorluarnerusariaqarparput.

Maleruagassatigut tunngavigisat

Atuarfik pillugu Inatsisartut inatsisaat pillugu Namminersorlutik Oqartussat nalunaarutaat nr. 19, 27. aprili 2023-meersoq

Pissutsit atuuttut

Inatsisitigut tunngavigisat

Atuarfik pillugu Naalakkersuisut nalunaarutaat naapertorlugu Kalaallit Nunaanni atuartinneqartussaataaneq atuuppoq, pinngitsoorani atuartussaataaunerunngitsoq. Atuartinneqartussaataaunerup malitsigivaa, meeraq/inuusuttoq atuartinneqarnermik tunineqarnissamut pisinnaatitaaffeqarluni pisussaaffeqartoq:

- meeqqat atuarfiani imaluunniit
- atuartitsinermi allami, meeqqat atuarfianni nalinginnaasumik piunasaqaatinik malinnittutut kommunalbestyrelsimit nalilerneqarsimasumi.

Taamaalillutik angajoqqaat meeqqami allatut atuartinneqarnissaannik, matumani angerlarsimaffimmi atuartinneqarsinnaanissaanik toqqaasinnaallutik, tassa tamanna kommunalbestyrelsimut nalunaarutigineqarpat aammalu atuartitsissut akuersissutigineqarlunilu kommunimit nakkutigineqarpat.

Meeqqat atuarfiani alimasissumik atuartitsineq

Kalaallit Nunaanni meeqqat atuarfiini alimasissumik atuartitsineq perorsaanikkut aaqqissuussinikkullu sakkutut atorneqartarpoq, pingaartumik nunaqarfinni minnerusuni aammalu najukkami ilinniartitsisutigit naammattunik sulisussaaleqinerme atorneqartarluni. Tamanna assersuutigalugu kommunip imaluunniit nuna tamakkerlugu suliniuteqarnikkut atuarfimmit allamit digitalimik atuartitsisoqartarluni.

Pisuni taakkunani kommunimit imaluunniit atuarfimmi aqutsisunit aaqqissuussinikkut alimasissumik atuartitsineq nalinginnaasumik atuartitsinermut ilanngunneqartarpoq.

Inatsimmi § 48.2.4 ima allassimavoq, atuarfimmi pisortaq

”atuarfimmi atuartut pillugit aalajangigassat aalajangersimasut tamaasa aalajangiiffigisassavai, taamaattorli tak. § 31, imm. 2 aamma 3.”

Atuartitseriaatsimik toqqaaneq

Meeqqat atuarfia pillugu inatsimmi imaluunniit oqaaseqaatini attuumassuteqartuni atuartumik angajoqqaanilluunniit atuarfimmumt orniguteqqaarani alimasissumik atuartinneqarnissamut toqqaanissamut piumasqaatitaqanngitsumik pisinnaatitsissumik peqanngilaq.

Aallaavittut tulluuttut akornanni toqqaasoqarsinnaavoq:

1. Atuarfimmi nalinginnaasumik atuartitsinermut peqataaneq, matumani kommuniq imaluunniit atuarfiup aqqissugaanik ungasissumit atuartitsinerusinnaasut, imaluunniit
2. Allatigut atuartitsineq (ass. angerlarsimaffimmi atuartinneqarneq), nalunaarutigineqarneranit atuartitsisussaataitanermik naammassinninnermit akuersissutigineqartoq.

Taamaalilluni alimasissumik atuartitsineq atuartumit imaluunniit angajoqqaanit toqqaaneqaannarsinnaanani, kommunimiilli suliatigut aqqissuussaaniikkullu naapertuunneranik nalilerneqarneratigut atorneqarsinnaasuulluni.

Atuilluartuunissakkut kingunerisinnaasat

Atuartunit ataasiakkaanit imaluunniit angajoqqaajusunit atuartinneqarnissamut neqeroorutaasumut paarlattuatut alimasissumik atuartitsinissamut toqqaanissamut inatsit tunngaviliinngilaq. Atuineq atuarfimmumt suliaqarnikkut perorsaanikkullu tigussaasumik nalilersuereernermit aammalu aningaasaqarnikkut perorsaanikkullu sinaakkutit atuuttut iluini pissaaq.

Pisuni immikkoortuni alimasissumik atuartitsinissamut atuarfik angajoqqaanik

isumaqatigiissuteqarsinnaavoq, inatsisilli iluani taamaallaat pisinnaavoq aammalu toqqaagassaannaanani imaluunniit atuartinneqarnermut ataavartumik taartaasussaananani, aatsaat allatut atuartitsinermik akuersissuteqartoqarsimappat. Immikkut eqqarsaatigisassat (ass. suussusiliineq, atugarissaarneq peqqinnerluunniit)

Pisuni atuartoq:

- piginnaasamigut appassisuuneranik suussuliivigineqarsimappat,
- inuttut atukkatigulluunniit unaminartitsisuuppat,
- siviisumik napparsimasuuppat,
- atuarumajunnaarsimappat imaluunniit atugarliorpat,

atuartumut pitsaanerpaatut aammalu suliatigut imminut illersorsinnaasutut nalilerneqarpat, atuarfik - perorsaanikkut aqqissuussinermumt ilaatillugu – **utaqqiisaasumik imaluunniit atuartitsinermumt neqeroorummut ilaatillugu alimasissumik atuartitsinermik atuisinnaavoq**.

Tamanna ima pisinnaavoq:

- immikkut perorsaanikkut ikiorsiinerup ilaatut,
- ataasiakkaanut aqqissuussaasumik atuartitsinermik ingerlatsineq, imaluunniit
- atuarfimmumt ornigulluni atuariartortalernissamumt naleqqussaagallartumik ingerlatsineq.

Nalinginnaasumik perorsaanikkut isiginninnikkut alimasissumik atuartitsisarnerup toqqarneqarneratigut pitsaaqutai akornutaalu

Annertussusia	Pitsaaqutit	Akornutissat
Inooqataanikkut piujuartitsineq	<ul style="list-style-type: none"> - Atuartitsinermut naligiimmik ammaanpeqarnerisa annertusinerat - Atuartut peqqissutsikkut imaluunniit inooqataanikkut unamminartitaqartunik tapersiinerusinnaavoq. - Atuanngitsoortarnernik taamaatitsisarnernillu annikillisaataasinnaavoq 	<ul style="list-style-type: none"> - Inooqataanermut mattusimaleratarsinnaaneq - Ataatsimoornernut atugarissaarnermullu nukillaarsaataasinnaavoq - Oqaatsitsigut kulturikkullu annikinnerusumik akuulerneq
Perorsaanikkut pitsaassuseq	<ul style="list-style-type: none"> - Nuna akimorlugu ilinniartitsisunik ilinniarsimasunit atuisinnaaneq - Immikkut ittumik atuartitsisinnaanermut periarfissaq 	<ul style="list-style-type: none"> - Atuartut annertuumik nammineersinnaanerinik piumasaaqatitaqarpoq - Klassimik aqutsinermut assigiinnngissitaarnermillu unamminartitsineq
Aningaasaqarneq	<ul style="list-style-type: none"> - Ilinniartitsisutigut nukissanik atorluaaneq - Paarlatsiqartitsinissamut aammalu aallartitsisarnissamik pisariaqartitsinerup annikinnerunera 	<ul style="list-style-type: none"> - Qarasaasiatigut atortunut attaveqaatinullu aningaasaliissuteqarneq - Ikiorneqarnermut piginnaasanillu ineriartortitsinernut aningaasartuutit - Akissarsianut aningaasartuutit amerlanerit qaffariaateqaratarsinnaaneri.
Avatangiisit	<ul style="list-style-type: none"> - Assartuineq annikinnerusooq 	<ul style="list-style-type: none"> - Nukissiuutinik annertunerusumik atuineq - Qarasaasiatigut pilersitsiortornermit eqqaanermiillu avatangiisinik artukkiineq
Aaqqissuussaaneq	<ul style="list-style-type: none"> - Atuartitsinermik eqaannerusumik aaqqissuussineq - Napparsimanermi imaluunniit ilinniartitsisussaaleqinermi tatitussuseqarneq 	<ul style="list-style-type: none"> - Ataqatigiissaarinissamut nakkutiginninnermik annertunerusumik pisariaqartitsineq - Sinaakkutit akisussaaffiillu ersarissuunissaannut piumasaaqateqarneq
Piffissami ungasinnerusumi	<ul style="list-style-type: none"> - Atuarfinnik nunaqarfinnillu minnerusunik nukittorsaataasinnaavoq 	<ul style="list-style-type: none"> - Najukkani atuarfiit avatangiisiinik annikillisaratarsinnaanerat
piujuartitsineq	<ul style="list-style-type: none"> - Digitalimik piginnaasatigut ineriartortitsinissamik tapersersuissaaq 	<ul style="list-style-type: none"> - Atuartitsinermi pitsaassusaata assigiinnngiaaratarsinnaanerat

Danmarkimi kommunit ilaat kommunit immikkoortortaanni atuartut atuarumajunnaasimasut innersuunneqartarfigineqartarlutik, qitiusumik alimasissumik atuarnermik pilersitsisoqarluni misiliisoqarnikuvoq. Ilinniartitsisoqatigiit kommunimut tamarmut sullissillutik atuartitsissutini pingasuusuni, tassa qallunaatut, matematik aamma tuluttut atuartitsisarput. Ilinniartitsisoqatigiit atuarfimmi inissisimasuupput namminerisamilli missingersuuteqarput aammalu suliffeqarfik sinnerlugu iliuseqarsinnaanermut pisussaataaallutik, soorlu MISI. Taamatut aaqqiissuusaanerup iluaqutissartaraa neqeroorummi perorsaanikkut imartussutsimik suliaqarsinnaanermik aammalu aningaasaqarnikkut imminut akilersinnaasumik pilersitsisoqarnera, atuartut, atuarinneqartarnerat aammalu ineriartornerinik tamat isiginnissinnaalersitsilluni. Innersuussinissamulli aammalu ornigulluni nalinginnaasumik atuarfimmi atuarinneqarnissamut uteriartuaarnissamut tunngatillugu najukkani atuarfinni suleqatigiinnissamut

isumaqatigiissuteqarnissamik piumasaqaatitaqarpoq. Taamatulli neqeroorummik pilersitsinermit kissaatigisamit killormorluinnaq inerreqarsinnaanera, tassa pisariaqartitsinermit annertusaaneq atuartup artornartumik inissisimaffianiitiinnartitsineq kommunimit eqqumaffigineqarpoq.

Aningaasaqarnikkut allaffissornikkullu kingunerisinnaasai

Aningaasaqarnikkut isiginnittaaseqarluni alimasissumik atuartitsineq annertuumik pituttugaatitsisarpoq:

- illuutitut, aqutsisunut tunngaviumillu inuttalersuinermit atuarfik aalajangersimasumik aningaasartuutai tulluuttunik imaqarput
- alimasissutmik atuartitsinissamat qarasaasianik, attaveqaatinik supportimillu pisariaqartitsivoq
- ataasiakkaarinerit annertusarneqarnerasigut immikkut perorsaanikkut tapersersuinermit ilinniartitsisunillu atorfinitsinerit annertunerusumik aningaasartuuteqarnersulernermit pilersitsisinnaavoq

Alimasissumik atuartitsinermit toqqarneqarsinnaalluni marloqiusamik periusissiaqarnermit pilersitsisoqarsinnaavoq, tassani atuarfik alimasissumillu atuartitsineq immikkut aningaasaliiffigineqarlutik. Tamanna pilersarusiornissamat siumut isiginnissinnaanermik annikillisaassaaq aammalu sunniuteqarluangitsumik isumalluutit atuinermik pilersitsisinnaalluni.

Allaffissornikkut isiginnittaaseq.

Meeqqat atuarfiini sinaakkutit iluini alimasissumik atuartitsinermit atuneq allaffisornermi suliassanik makkunatigut annertunerulersitsissaaq, sulianik nalilersuinikkut, uppersaasiornikkut, atuarfiit akornanni ataqatigiissaarisitsinikkut, ingerlatsinikkut aammalu tapersersuinermit suliatigut kiisalu atuartup atuartinneqarneranik ataavartumik malitseqartitsinikkut. Tamatuma saniatigut angajoqqaanik attaveqartarnermit, naatsorsuutigisanik naleqqussaanikkut nakkutilliinikkullu annertunerusumik pisariaqartitsisoqassalluni. Anguniagaqartumik aammalu tigussaasumik suliatigut nalilersuinikkut alimasissumik atuartitsineq ingerlanneqarpat allaffissornikkut kingunerisinnaasat ingerlanneqarsinnaasut nalilerneqarput, aaqqiissulli annertusarneqarpat imaluunniit nalinginnaasunngortinneqarneruppat tamanna annertunerulersitsisussaavoq.

Allaffeqarfiup naliliinera

Alimasissumik atuartitsineq ilanngullugu meqqat atuarfii pillugit inatsit eqaatsumik atuartitseriaaseqarnissamik periarfissiisoq nalilerneqarpoq, matumani alimasissumik atuartitsineq ilanngullugu, periarfissarli taanna kommunip atuarfiullu atuartitsinermit pilersarusiornerinut pingaarnertut atuutilersitsinerusoq. Atuartoq atuarfimmit atuartitsinissamat neqeroorutaasumit alimasissumik atuartinneqarnissamik toqqaaginnarsinnaaneranut inatsit tunngaviliinngilaq.

Meeqqat atuarfianut ornigunnani atuartinneqarnissamik kissaateqartoqarpat, tamanna suliaqarnikkut perorsaanikkullu nalilersuinermit tunngaveqartumik atuartinneqarnissamat sinaakkutip akuerisaasut iluini pissaaq, matumani kommunalbestyrelsimit nakkutigineqartumik angerlarsimaffimmi atuartinneqarneq ilanngullugu. Alimasissumik atuartitsineq perorsaanikkut anguniagaqartumik sakkutut isigineqassaaq, atuarfiup kommunillu suliatigut akisussaaffeqarneratigut atorneqartoq aammalu atuarfeqarnermit nalinginnaasumik taartaaginnartuunngitsoq, takuuk inatsit.

Atuarfimmi aqutsisoqarfimmit ilinniartitsisuniillu tigussaasumik suliatigut perorsaanikkullu nalilersuisoqareerluni alimasissumik atuartitsineq ingerlanneqartarpoq aammalu ataasiakkaanut naleqqussagaasumik tapiliussat tapersersuinermit ingerlatsinerusinnaalluni.

Innersuussut

Ataatsimiititaliamut innersuussutigineqarpoq:

- Meeqqat atuarfiani alimasissumik atuartitsineq perorsaanikkut sakkussatut paasineqassasoq, atuartunut imaluunniit angajoqqaanit periarfissatut ataasiakkaatut toqqagassatuunngitsaq.
- Alimasissumik atuartitsinermik atuinissamut naliliinissamut piginnaassuseqarneq atuarfimmi aqutsisumiippoq, taassuma suliatigut perorsaanikkullu naliliineq tunngavigalugu aalajangerneqassaaq.
- Alimasissumik atuartitsineq utaqqiisaarutitut imaluunniit ilaannakortumik atorneqarsinnaavoq, pingaartumik atuartunut immikkut pisariaqartitsisunut. matumani atuarumajunnaartunut, atugarliortunut, piffissami sivisuumi napparsimasunut imaluunniit allanut ornigulluni atuariartortarnissamik ajornakusoortitsisunut.
- Sinaakkutinut, akisussaaffimmut, anguniagaqarfinnut aammalu allaffissornikkut kingunerisinnaasaannik paasissutissiineq tusaatissatut tiguneqassasoq.

Aalajangiineq

Inatsisit iluani periarfissaavoq, alimmasissumik atuartitsinnaaneq. Taamaattoqassagaluarpat atuarfiup pisortaa periarfissiisnaavoq. Meeqqat atuarfianni atuariartorusunngivissut pillugit, immikkut ataatsimiinnerup tulliani itisilernerullugit sammineqassapput, kisitsisit il.il.saqqummiunneqassagamik. Siunnersuutigineqartut akuersissutigineqarput.

Ilanngussaq

%

Imm. 4.2 Ukioq atuarfiusumut 2026/2027-mut meeqqat atuarfiinut atuangiffissatut pilersaarutissatut siunnersuut

Journal nr. 51.08.02

Tunuliaqut

Ukioq atuarfiusoq 2026/2027-mut Qeqqata Kommuniani atuarfinnut tamanut, matumani Sisimiuni, Maniitsumi nunaqarfinnilu atuarfinnut ataatsimoorussamik atuangiffissatut pilersaarutip aalajangersarneqarnissaanut kissaat saqqummiunneqarpoq. Ataatsimoorussamik atuangiffissatut pilersaarummi ulloq siulleq atualerfissaq 17. august 2026-miunissaa allassimavoq.

Atuarfiit tamarmik assigiimmik atualerfeqarlutik aammalu atuangiffeqartarlutik assigiissaarisooqarnissaa kissaatigineqarpoq. Ilutigitillugu 30. september 2021-mi siusinnerusukkut pianiartarneq eqqarsaatigalugu allannguutaasimasup nalilersoqqinneqarnissaa kissaatigineqarpoq, piniartarneq sapaatit akunnerisa naanerini aggustillu aallartinnerani ingerlanneqartarnerunera misilittakkat takutimmassuk.

Taamatuttaaq arfininngornermi atuartitsisarnerup (ass. anaalerivissiorneq juullimullu qiortaaneq) nal. 09.00 aallartittarnikup nal. 13.00 aallartittarnissaanik misiliisoqassasoq kissaatigineqarluni.

Maleruagassatigut tunngavigisaq

Atuarfik pillugu inatsisartut inatsisaat nr. 15, 3. decembari 2012-imeersoq

Atuarfimmi atuartut atuangiffeqartarnerisa pilersaarusiornerat pillugu Namminersornerullutik Oqartussat nalunaarutaat nr. 4, 5. marts 2003-meersoq

Pissutsit atuuttut

Atuarfinni pisortat ataatsimiinneranni ukioq atuarfiusoq 2026/2027-mi Qeqqata Kommuniani atuarfinnut tamanut ataatsimoorussamik atuarnep aallartinnissaa kissaatigineqarneranik oqariartuuteqartoqarpoq. Atuangiffeqarfiit nalliuttorsiorfiillu assigiissaartuupput ukiorlu atuarfiit ullut atuarfiusussanik 200-nik pilersaarusiorniulluni.

Atuilluartuunissakkut aningaasaqarnikkullu kingunerisinnaasai

Ullut atuarfiusussat attatiinnarneqarneratigut ataatsimoorussamik atuangiffeqarnissamut pilersaarut aningaasaqarnikkut kinguneqarnissaanik nalilerneqanngilaq. Assigiissaarineq allaffissornikkut pisariillisaataassaaq aammalu illoqarfinni nunaqarfinnilu assigiinnitsuni ilaqutariinnut meerartalinnut pilersaarusiornissamut atugassarititaasunik pitsaanerusunik pilersitsissalluni. Arfininngornermi sammisaqartitsinerit naleqqussarneqarneratigut angajoqqaanik suleqateqarneq nukittorsarneqassaaq, inooqataanikkut atuilluarneq aamma nukittorsarneqassalluni.

Allaffeqarfiup naliliinera

Ataatsimoorussamik atuangiffeqarneq ulloq atualerfik 17. august 2026-mi assigiissaarinermik aammalu ataqatigiilluarnerunermik kommunimi pilersitsissaaq. Piniartarnerup eqqarsaatiginerani kingusinnerusumik atualertoqartarnissaanik pisariaqartitsisoqanngitsoq nalilerneqarpoq.

Innersuussut

Allaffeqarfiup Ilinniartitaanermut Ataatsimiititaliamut innersuussutigivaa:

- Ukioq atuarfiusoq 2026/2027-mut atuangiffissatut pilersaarutitut siunnersuut akuerineqassasoq

Ilinniartitaanermut ataatsimiititaliap, 02/26, Marts 9-ani 2026-mi ileqquusumik ataatsimiinnissaanut oqaluuserisisassat

Aalangiineq

Innersuussutigineqartut akuersissutigineqarput

Ilannugsaq %

Imm. 4.3 Tapiisarnermi malittarisassanik nutarsaaneq – Timersornermut, kulturimut peqatigiiffilerinermullu tapiissuteqartarnermut malittarisassat

Journal nr. 06.16.03

Tunuliaqutaq

Kommunalbestyrelsi suleqatigiinnissamut isumaqatigiissutimini aalajangiinikuuvoq, pitsanngorsaaniisaq siunertaralugu timersornermut kulturimullu tapiissuteqartarneq nalilersoqqinneqassasoq.

Tapiissuteqartarnermut malittarisassat atuuttut timersornermi sammisanik aamma angalanissamut tapiissutini ukkataqarneruffiupput aammalu nutarsarneqarnissaannut malittarisassanilu ataatsimut katersuunneqarnissamut pisariaqartitsipput.

Taamaattumik Timersornermut, kulturimut sunngiffimmilu peqatigiiffinnut tapersersuisarnermut malittarisassanut nutaanut allaffeqarfik siunnersuusiornikuuvoq, ataatsimoortunik aammalu pineqartumik nutarterisunik ilutigitillugulu kommunalbestyrelsip politikikkut pingaarnersiuneranut tapertaasunik.

Maleruagassatigut tunngavigisat

- Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat
- Timersorneq timigissarnerlu pillugit Inatsisartut inatsisaat
- Inini silamilu atortut pillugit nalunaarut

Ukiumoortumik missingersuutit sinaakkutaasa akuerisaasut iluanni tapiisoqartarpoq.

Pissutsit atuuttut

Qeqqata Kommunia tapiisarnermut tunngasuni ukiumut katillugit 15 mio. koruuninik tapiissuteqartarpoq, tassani ukiuni kingullerni nunap immikkoortuini pissartanngorniunnernut, børnecuppinut, Nunatsinni pissartanngorniunnernut kulturimullu sammisanut (assersuugalugu ullukinnersiornernut ilaqutariinnullu sammisassaqtitsinernut) tapiissutinut aningaasat amerlialuttuinnartut atorneqartartut paasinarsinikuuvoq.

Malittarisassat nutaat:

- timersornermut, kulturimut sunngiffimmilu malittarisassani ataatsimuulissapput
- sungiusarnernut piffissanut timersortarfimik attartornermut isumaqatigiissutit 100 procentimik paariinnarneqassapput
- illoqarfimmi aqqissuussani ataatsimoorluni unnuinissanut 75 procentimik tapiissuteqartarnissamik atuutsitsilerneq
- meeqqanut inuusuttunullu ilaasortaanermut akiliutinut tapiissuteqarnissamik qulakkeerinninneq
- uppersaasarnissamut piumsaqaatinik takunnissinnaanermillu nukittorsaaneq

Illoqarfigisami aqqissususunik nukittorsaanissamik immikkut ukkataqartoqarpoq, taakku imaalisitsisarmata:

- illoqarfigisami inuiqatigiinnik sammisanik aningaasanillu kaaviiartitsinermik pilersitsisarmata
- Meeqqat inuusuttullu akornanni peqataaneq annertusarlugu
- nammineq kajumissutsimik suliaqartarnermik ataatsimoorsinnaanermillu nukittorsaataasarmata
- illoqarfinnut allanut akisuunik angalanissanut pisariaqartitsinermik annikillisaataasarmata

Ilinniartitaanermut ataatsimiititaliap, 02/26, Marts 9-ani 2026-mi ileqquusumik ataatsimiinnissaanut oqaluuserisisassat

Illoqarfigisami unammersuarnerit aaqqissuussallu kommunimut tamarmut inuttut, aningaasaqarnikkut sunngiffillu eqqarsaatigalugu iluanaarutaasarput

Atuilluartuunissakkut aningaasaqarnikkullu kingunerisinnaasai

Malittarisassat missingersuutit sinaakkutaannik tamakkiisumik annerulersitsinissamik malitseqassanngilaq.

Aaqqiineq inooqataanermik atuilluartuunermik nukittorsaataassaaq, imaaliornikkut:

- Ataatsimoortarnernik oqaloqatigiittarnernillu tapersersuisarneq
- Aningaasat apequtaatinnagit sunngiffimmi sammisanut peqataasinnaanermik qulakkeerinnineq
- Kommunip atugassarititaanik pitsaanerusement atuisinnaanermik pilersitsineq

Ilutigitillugu ersarinnerusumik uppersaanissamut piumasaqaatitigut pingaarnersiutinillullu pitsaanerusedumik aningaasaqarnermik aqutsinermik pilersitsissaaq. P - K tapiissutsini ukiuni kingullerni missingersuutitigut qaanngiisooqartarnikuummat tapiisarnermut tunngasuni aningaasaliissutinut sinaakkutit eqqarsaatigalugit mianersornissaq pingaaruteqarpoq, taamaattumillu klubbinut tapiissutinik qanoq annertutigisunik tunniussisoqarsinnaaneranut aalajangersagaqassaartaaq, taamaangippat aningaasaqarnikkut kingunissat annertusinnaammata.

Allaffeqarfiup naliliinera

Allaffeqarfiup nalilerpaa, malittarisassat nutaat takunnissinnaanerulersitsillutillu ullutsinnut tulluarnerulersut kiisalu kommunalbestyrelsip politikkikkut anguniagaanik annertunerusedumik tapertaasut, tassunga ilanngunneqassaaq, peqatigiiffinnut tapiissutinik tigusaqartunut kommunimi aaqqissuusseqataanissamut peqataanerunissaannik. Malittarisassat ingerlatsinerup sammisallu akornanni oqimaaqatigiinnerulersitsippat, illoqarfigisami aaqqissuussanik nukittorsaallutik aammalu illoqarfigisani inuiaqatigiinni ataqatigiinnerulersitsillutik ilutigitillugulu annertunerusedumik takunnissinnaalersitsillutillu aningaasaqarnikkut aqutsinermik akisussaassusilimik pilersitsippat.

Innersuussut

Allattoqarfiup Ilinniartitaanermut Ataatsimiititaliamut innersuussutigivaa:

- Timersornermut, kulturimut sunngiffimmilu peqatigiiffinnut malittarisassat nutaat Ilinniartitaanermut Ataatsimiititaliap akuersissutigissagai
- Atuutsitsilernermit tapiisarnermut malittarisassat atuuttut atorunnaarsinneqassasut
- Akuersissuteqartoqarnerata kingonra 2026-mi martsip qulingiluaani malittarisassat atuutilersinneqassasut.

Aalajangiineq

Innersuussutigineqartut Ilinn. Ataatsimiititaliamit akuersissutigineqarput KB'mut ingerlateqqissappat akuersissanngorlugit.

Ilanngussaq

- Timersornermut, kulturimut sunngiffimmilu peqatigiiffinnut tapiissuteqartarnermut malittarisassanut siunnersuut
- Maannakkut tapiissuteqartarnermut malittarisassat

Imm. 6.1 Qeqqata Kommuniani februarip 2026 naanerani suliffissaaleqineq pillugu paasissutissiissut

Journal nr. 65.15.00

Tunuliaqutaq

Ilinniartitaanermi ataatsimiititaliap kissaatigivaa, Qeqqata Kommuniani suliffissaaleqineq malinnaaffigerusullugu tassungalu atatillugu aalajangerpoq, suliffissaaleqinermi kisitsisit ataatsimiititaliap ataatsimiinnerani paasissutissiissutit ilaajuaannalissasut.

Maleruagassatigut tunngavissat

- Suliffissanut ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 decemberip 9-ani 2015-imeersoq.
- Majorianik ingerlatsinermi naammassisassanut isumaqatigiissut pillugu Namminersorlutik Oqartussat Qeqqatalu Kommuniani isumaqatigiissut
- Kommunit aquneqarnerat pillugu Inatsisartut inatsisaat nr. 29 novemberip 17-ani 2017-meersoq
- Suliffissarsiorneq pillugu Inatsisartut peqqussutaat nr. 5 junip 8-ani 2014-meersoq

Pissutsit atuuttut

Ataatsimiititaliap kissaateqarnikuunera tunngavigalugu, Qeqqata Kommuniani suliffissarsiortut nalunaarsorneqartarnerata kisitsisitali, ataatsimiinnermi qaammatit tamaasa paasissutissiissutigalugit saqqummiunneqartassapput.

Kingullermi ataatsimiititaliap 9. februar 2025 ataatsimiinnissanut, Qeqqata Kommuniani suliffissarsiortut kisitsisitaat 2026-imi januarimut tunngasut saqqummiunneqarput, kisitsisillu suliffissaaleqisut Qeqqata Kommuniamat isigalugu katillugu 196-lutik.

Matumani paasissutissiissummi suliffissarsiortut kisitsisitaai februar 2026-ip naaneranut tunngasuupput, Qeqqata Kommuniamat isigalugu katillugit 203-it, februarip qaammataanut sanilliullugu 7-nik amerlillutik.

Suliffissarsiortutut nalunaarsortittut aallaavigalugit suliffissaaleqinerup nikerarnera malinnaaffigineqarpoq, suliamilu matumani februar 2026-ip qaammataanni nalunaarsukkat eqitsimmi saqqummiunneqarput, tamatumani 2025-imi piffissap taamaalinerani suliffissarsiorlutik nalunaarsortissimasut kisitsisitaannut sanillersuullugit takussutissiarineqarlutik.

Eqitsit 1 – Suliffissarsiortut 2025-imi 2026-imilu:

	Februar 2025	Februar 2026	Diff.
Sisimiut	105	117	+12
Kangerlussuaq	4	2	-2
Itilleq	14	16	+2
Sarfannugit	7	2	-5
Maniitsoq	71	52	-19
Kangaamiut	16	8	-8
Napasog	3	0	-3
Atammik	10	6	-4
Katillugu	230	203	-27
Procentinngorlugit agguataarnerit	3,61%	3,20%	
Innuttaasut sulisinnaasut	6.375	6.347	

Eqitsit 2 - Suliffissarsiortut matchgruppenut agguataarnerat:

	Sisimiut aamma nunaqarfiit						Maniitsoq aamma nunaqarfiit					
	Arnat /Kvinder			Angutit/Mænd			Arnat /Kvinder			Angutit/Mænd		
	M1	M2	M3	M1	M2	M3	M1	M2	M3	M1	M2	M3
Februar 2026	56	2	2	72	3	2	21	10	1	33	1	0

Innuttaasut suliffissarsiortutut nalunaarsortinniarlutik saaffiginnittut nalilersuinermi matchgruppenut agguataarneqartarput. Februar 2026-imi nalunaarsorneqartut aallaavigalugit, matchgruppeni suaassutsit najoqqutaralugit Maniitsumi nunaqarfiinilu kiisalu Sisimiuni nunaqarfiinilu kisitsisit qulaani eqitsimmi takusassiarineqarput

Sisimiuni iliuusissanik pilersaarutit januarimi 4-at sananeqarlutik.

Maniitsumi iliuusissanik pilersaarutit januarimi 5-at sananeqarlutik

Eqitsit 3 – Piginnaangorsartut, flexjobertut allatulluunniit sulisinneqartut:

	Piginnaangorsarneq	Flexjob	Suliffimmik misililineq	Qulaajaaneq/vm-forløb
Sisimiut	2	12	0	14
Maniitsoq	2	1	0	0

Qaammatip naanerini suliffeqarfinnut assigiinngitsunut suliffissarsiortunik innersuussinerit eqitsimmi ataani takusassiarineqarput.

Eqitsit 4 – Suliffeqarfinnut suliffissaaleqisunik innersuussinerit 2026:

Suliffinnut innersuussinerit	Jan.	Feb.	Mar.	Apr.	Juuli	Juni	Juli	Aug.	Sept.	Okt.	Nov.	Dec.
Sisimiut	3	7										
Maniitsoq	15	17										

Aningaasaqarnikkut allaffissornikkullu kingunerisinnaasai

Suliffissaaleqinerup aningaasatigut kingunerisinnaasaai tassaasinnaapput ilaqutariinnermi immikkoortortami pisortatigut ikiorsiissutinik tunniussisarneq aammalu majoriami suliffissarsiortunut ikiorsiissutinik tunniussisarneq. Taamaakkaluartoq suliffeqarfinnik suleqatigiinninnerup annertusarneqarnissaanik ukkassinerit suli ingerlanneqarput, innuttaasut suliffissarsiortutut nalunaarsortissimasut suliffinni sungiusartinneqartarnissaat aammalu piginnaangorsartinneqartarnissaat annertunerulersinniarlugit taamaalilluni imminut pilersorsinnaaneq annertunerulersinniarlugu aammalu Qeqqata Kommuniani aningaasatigut kingunerisinnaasat eqqarsaatigalugu ikiorsiissutinik tunniussisarnerit minnerulersinniarlugu.

Allaffeqarfiup naliliinera

Allaffeqarfiup nalilerpaa suliffissaaleqinerup appartinniarnerani suliniutit ingerlanneqartut naammaginatut, taamaattorli pingaaruteqartoq, suliniutit ingerlannerini suliffeqarfiit suleqatigilluarneqarnissaat.

Taamaalilluni innersuunneqarpoq suliffissaaleqineq pillugu paasissutissiissut tusaatissatut tiguneqassasoq.

Innersuussut

Ilinniartitaanermi ataatsimiititaliamut innersuussutigineqarpoq, suliffissaaleqinerup februar 2026-ip naaneranut killiffia pillugu paasissutissiissut tusaatissatut tigoqqullugu.

Aalajangiineq

Paasissutissiissutit tusaatissatut tiguneqarput

Ilanngussat

1. Suliffissaaleqisunut kisitsisinik nalunaarsugaq, februar 2026-ip naaneranut atuuttoq
2. matchgruppenut agguataarinerit februar 2026-ip naaneranut atuuttut.
3. Ilinniartitaanermi kisitsisinik nalunaarsugaq februar 2026-ip naaneranut atuuttut.

Imm. 6.2 Avataanit tikisitsilluni sulisussarsiornermik, Februar 2026-imi qinnuteqaatinut tunngatillugu, ataatsimiititaliap siulittaasuanit aalajangiiffigineqartut pillugugit paasissutissiissut

Journal nr. 67.01.03

Tunuliaqutaq

Suliami matumani paasissutissiissutitut saqqummiunneqarput, Qeqqata Kommuniani suliffeqarfinit avataanit tikisitsilluni sulisussarsiornermut tunngatillugu qinnuteqaatit, ataatsimiititaliap siulittaasuanit februar 2026-imi suliarineqarlutik aalajangiiffigineqartut.

Maleruagassatigut tunngavissat

- Kalaallit Nunaanni Suliffissarsiorlutut killilersimaarnissaat pillugu Namminersorlutik Oqartussat Nalunaarutaat nr 24, 26 september 1993-imeersoq.
- Kalaallit Nunaannut suliffissarsiorlutut killilersimaarnissaat pillugu Inatsisartut inatsisaat nr. 27, 30. oktobari 1992-imeersoq.
- Kalaallit Nunaanni Suliffissarsiorlutut killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, 9. december 2015-imeersoq (sulisitsisut jobportal-imik atuinerat).
- Kalaallit Nunaannut suliffissarsiorlutut killilersimaarneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarneq il.il.)
- Kalaallit Nunaannut suliffissarsiorlutut killilersimaarnissaat pillugu Inatsisartut inatsisaata allangortinneqarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigitat)

Pissutsit atuuttut

Majoriami qinnuteqaatinik tigusaqartoqartillugu suleriaatsimi pisarnek malillugu nivvingaavitsigut nittarsaaneqartarput kommuninilu tamani suliffissarsiuussisarfinnut nassiuussuunneqartarlutik. Tamanna ilutigalugu Maniitsumi Sisimiunilu suliffissarsiorlutut nalunaarsorsimaffiat aamma misissorneqartarpoq.

Maniitsumi avataanit sulisorisamut sivitsuiniarluni qinnuteqaatit marluk (suliami ataatsimi) februar 2026-imi suliarineqarlutik aalajangiiffigineqarput.

Sisimiuni avataanit sulisussarsiorluni qinnuteqaatit 14-it februar 2026-imi suliarineqarlutik aalajangiiffigineqarput.

Eqitsimmi ataani februar 2026-imi avataanit sulisussarsiorluni qinnuteqaatit suliarineqarlutik aalajangiiffigineqartut takuneqarsinnaapput:

Suliffeqarfik qinnuteqartoq:	Atorfik qinnutigisaaq:	Ulloq tigusiffik:	Piffissaq qinnuteqaatigineqartoq:	Aalajangiineq:
Royal Greenland A/S, Maniitsoq	Sivitsuineq	14-01-26	01-04-26 – 31-03-28	Akuerineqarpoq
Litpersona Greenland ApS, Sisimiut	Sanasoq	22-01-26	02-02-26 – 02-02-27	Akuerineqarpoq
Litpersona Greenland ApS, Sisimiut	Sanasoq	22-01-26	02-02-26 – 02-02-27	Akuerineqarpoq
Litpersona Greenland ApS, Sisimiut	Sanasoq	27-01-26	30-01-26 – 30-01-27	Akuerineqarpoq
Litpersona Greenland ApS, Sisimiut	Sanasoq	02-02-26	06-02-26 – 06-02-27	Akuerineqarpoq
Litpersona Greenland ApS, Sisimiut	Sanasoq	04-02-26	06-02-26 – 06-02-27	Akuerineqarpoq

Ilinniartitaanermut ataatsimiititaliap, 02/26, Marts 9-ani 2026-mi ileqquusumik ataatsimiinnissaanut oqaluuserisisassat

Hotel Sisimiut ApS	Hospitality assistant	26-01-26	15-03-26 – 15-13-28	Akuerineqarpoq
Hotel Sisimiut ApS	Hospitality assistant	04-02-26	01-03-26 – 01-03-28	Akuerineqarpoq
Hotel Sisimiut ApS	Hospitality assistant	05-02-26	01-03-26 – 29-02-28	Akuerineqarpoq
Hotel Sisimiut ApS	Hospitality assistant	06-02-26	01-04-26 – 01-04-28	Akuerineqarpoq
Hotel Sisimiut ApS	Hospitality assistant	06-02-26	01-04-26 – 01-04-28	Akuerineqarpoq
Kunguaq Cafe	Køkkenmedarbejder	10-02-26	01-01-26 – 01-05-27	Akuerineqarpoq
Kunguaq Cafe	Cafemedarbejder	10-02-26	01-01-26 – 01-05-27	Akuerineqarpoq
Greenland Airports	Administrationsmedarb.	13-02-26	01-03-26 – 31-10-26	Akuerineqarpoq
BJ Entreprise	Arbejdsmand	17-02-26	01-05-26 – 01-05-27	Akuerineqarpoq

Qinnuteqaatit Ilinniartitaanermi ataatsimiititaliap siulittaasuanut ataatsimiititaliaq sinnerlugu aalajangigassanngorlugit saqqummiunneqarnikuupput, suliamullu innersuussutigineqartoq tunngavigalugu aalangiiffigineqarnikuullutik.

Matumani suliami qinnuteqaatit ataatsimiititaliamut paasissutissiissutigineqarput, qinnuteqaatinik suliat ataatsimiititaliap siulittaasuanit aalangiiffigineqartut ilanngussatut (bilag) ilaatinneqarlutik.

Atuilluartuunissakkut kingunerisinnaasai

Atuilluartuunerunngilaq nuna avataanit tikisitanik sulisoqarnissamik isumalluuteqartariaqalersimappat, kisiannili nunat assigiinngitsut avataanit tikisitsilluni sulisoqartarneq kiffartuussinerup iluani atugarivaat. Ataatsimut isigalugu ukkanneqarnerusariaqarpoq, Qeqqata Kommuni suliffeqarfiit eqqarsaatigalugit nunaqavissunik sulilersitsisarnerup pitsaanerulernissaa anguniarlugu suleqatigilluarneqartariaqarput.

Aningaasaqarnikkut allaffissornikkullu kingunerisinnaasai

Kommuni qinnuteqaatinik suliaqartarneq qinnuteqartunullu akissuteqarneq, aningaasatigut allaffissornikkullu annertunerusumik kingunerluuteqanngilaq.

Allaffeqarfiup naliliinera

Allaffeqarfiup nalilerpaa, suliat ileqquusooq malillugu suliarineqarsimasut Ilinniartitaanermilu ataatsimiititaliap siulittaasuanut ataatsimiititaliaq sinnerlugu aalangiiffigisassanngorlugit ingerlateqqinneqarsimasut. Suliat matumani ataatsimiititaliamut paasissutissiissutit saqqummiunneqarput.

Innersuussut

Ilinniartitaanermi ataatsimiititaliamut innersuussutigineqarpoq, avataanit tikisitsilluni sulisussarsionermut tunngatillugu qinnuteqaatit, februar 2026-imi suliarineqartut siulittaasup aalangiiffigisimasai pillugit paasissutissiissut tusaatissatut tigoqqullugu.

Aalajangerneq

Paasissutissiissutit tusaatissatut tiguneqarput

Ilanngussaq

1. 1 Suliaq qinnuteqaat Maniitsumeersoq februar 2026
2. 2-15 Suliat qinnuteqaatinut tunngasut Sisimiuneersut februar 2026

Imm. 6.3 Ilinniartitaanermut ataatsimiititaliamut pisinnaatitsinermik agguataarinermut pingaarnertut pilersaarut pillugu paasissutissiissut

Journal nr. 01.00.02

Tunuliaqutaq

Pisinnaatitaanermik agguataarinermut pingaarnertut pilersaarut Ilinniartitaanermut ataatsimiititaliamit ulloq 8. september 2025 aammalu Kommunalbestyrelsimi ulloq 24. september 2025 suliarineqarpoq.

Pilersaarut akuersissutigineqarnikuuvoq kommunimullu tamarmut atuuttuulluni.

Ataatsimiititaliap pisinnaatinneqarnerata ersarissarneqarnissaa aammalu pilersaarummut akuerisaasumut naapertuuttumik inissisimanissaq siunertaralugu suliaq Ilinniartitaanermut ataatsimiititilaimut paasissutissiissutit saqqummiunneqarpoq.

Maleruagassatigut tunngavigisat

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq. (aqutsinermut inatsit)

Tamakku saniatigut:

- Qeqqata Kommunanut aqutsinermut ileqqoreqqusaq
- Ataatsimiititaliat suleriaasaat

Pissutsit atuuttut

Kommunalbestyrelsi kommunimi qaffasinnerpaamik oqartussaavoq kommunimilu pissutsinik tamanik aalajangiisinnaatitaalluni.

Ulluinnarni ingerlatsineq Ilinniartitaanermut ataatsimiititaliaq ilanngullugu ataatsimiititalianut suliassanngortitaanikuuvoq. Peqataatit sukkulluunniit utertinneqarsinnaapput.

Pisinnaatitsinermik agguataarinermut pilersaarutip akuerisaasup aalaajangersarpaa:

- Suliat sorliit Ilinniartitaanermut ataatsimiititaliap aalajangiiffigisassanera
- Suliat sorliit kommunalbestyrelsimut innersuussutigineqartassanersut
- Allaffeqarfik sunik pisinnaatinneqarneraq
- Atsiorsinnaatitaanermut pisinnaatitsinermut malittarisassat

Pilersaarut illup iluani allaffissornermik aqqissuusaanermik naleqqussaarinngilaq

Atsiorsinnaatitaanermut pisinnaatitsissut

Pilersaarut aningaasaqarnikkut inatsisitigullu pituttugaasunik isumaqatigiissutinik kikkut atsiorsinnaanerinik ersarissaavoq.

Tamanna Ilinniartitaanermut ataatsimiititaliamut imatut isumaqarpoq:

- Isumaqatigiissutit ukiunut arlalinnoortut aamma nammineq atugassat annertuut politikikkikut suliarineqarnissaannik piumasaqaatitaqarput
- Allaffeqarfik namminerisamik missingersuutimi sinaakkutillu atuuttut iluanni isumaqatigiissusiorsinnaatitaavoq.
- Atsiornermi aningaasanut killissat suliasallu nalinginnaasumik ingerlanneqarnissaat malitsinneqassaaq

Piffissaq atuuffiusoq

Pisinnaatitsinermik agguataarinermut pilersaarut akuerisaasoq 2029-mi apriliip tungaanut qinigaaffiup sinnerani atuuppoq.

Pisariaqartitsinermik taannaluunniit pillugu politikikkikut kissaatigisamik pilersoaqarpat pilersaarut qinigaaffiup ingerlanerani nutarterneqarsinnaavoq.

Allaffeqarfiup naliliinera

Allaffeqarfiup nalilerpaa, pilersaarut Ilinniartitaanermut ataatsimiititaliamut makkuninnga pisinnaatitsisoq:

- Aalajangiinissamut pisinnaatitsinermik ersarissumik killiliisoq
- Ataatsimiititaliap allaffeqarfiullu akornanni suliasanik ersarissumik agguasoq
- Ataatsimiititaliat sinnerinut tunngatillugu assigiittumik periuseqalersitsisoq

Innersuussut

Suliaq Ilinniartitaanermut ataatsimiititaliamut paasissutissatut saqqummiunneqarpoq.

Aalajangiineq

Paasissutissiissut tusaatissatut tiguneqarpoq

Ilannugssaq

- Pisinnaatitaaffinnik agguataarinermut pilersaarut

Imm. 7.1 Tamalaat.

Ataatsimiinneq naavoq nal. 14:20